

Broj: 01/89/22

Datum: 11. 02. 2022. godine

Na osnovu člana 106. Statuta Univerziteta u Sarajevu, na 39. redovnoj sjednici Vijeća održanoj 11. 02. 2022. godine, Vijeće Instituta za jezik Univerziteta u Sarajevu d o n o s i

ODLUKU

o usvajanju Programa rada Instituta za jezik za 2022. godinu

I

Usvaja se Program rada Instituta za jezik za 2022. godinu.


Sastavni dio ove odluke je Program rada Instituta za jezik za 2022. godinu.

II

Odluka stupa na snagu danom donošenja.

Objasnenje

Vijeće Instituta za jezik je na sjednici održanoj 11. 02. 2022. godine, u skladu sa svojim nadležnostima iz člana 106. Statuta Univerziteta u Sarajevu, razmatralo i usvojilo Program rada Instituta za jezik za 2022. godinu.

 **DIREKTOR**
Dr. sc. Jasmin Hodžić

Dostaviti:

- Evidencija Vijeća Instituta
- Službi za računovodstvo, plan i analizu
- Službi za izdavačku djelatnost, biblioteku i informiranje
- a/a

Broj: 01/89-2/22

Datum: 11. 02. 2022. godine

Na osnovu člana 126. Zakona o visokom obrazovanju („Službene novine Kantona Sarajevo”, broj:33/17), a u cilju dosljedne primjene odredbi Zakona o visokom obrazovanju, Statuta Univerziteta u Sarajevu, Zakona o upravnom postupku F BiH i drugih zakonskih, podzakonskih i provedbenih akata, sekretar Instituta za jezik daje sljedeće

S t r u č n o m i š l j e n j e

Odluka Vijeća Instituta za jezik od 11. 02. 2022. godine o usvajanju Programa rada Instituta za jezik za 2022. godinu nije u suprotnosti sa Zakonom i Statutom Univerziteta u Sarajevu.

O b r a z l o ž e n j e

Na osnovu člana 106. Statuta Univerziteta u Sarajevu, direktor Instituta za jezik je Vijeću Instituta dostavio na razmatranje prijedlog Programa rada Instituta za 2022. godinu i prijedlog Odluke o usvajanju Programa rada Instituta za 2022. godinu, te je u skladu s tim od sekretara Instituta zatraženo da Vijeću dostavi stručno mišljenje.

Vijeće Instituta za jezik nadležno je da donese Odluku o usvajanju Programa rada Instituta za 2022. godinu na osnovu člana 106. Statuta Univerziteta u Sarajevu.

Nakon uvida u dostupnu dokumentaciju odnosno Program rada dostavljam stručno mišljenje kako je navedeno u izreci – dispozitivu mišljenja.

SEKRETAR


Suada Avdić-Činara, dipl. pravnik

Dostaviti:

- Vijeću Instituta
- a/a

Na osnovu ranije usvojenog *Programa rada i razvoja Instituta za jezik Univerziteta u Sarajevu*, za mandatni period od 2021. do 2025. godine, i

na osnovu *Izdavačkog plana Instituta za jezik UNSA (2021–2022.)*

predlažem na usvajanje

**PROGRAM RADA
INSTITUTA ZA JEZIK UNIVERZITETA U SARAJEVU
ZA 2022. GODINU**

U skladu s postojećim četverogodišnjim programom rada i u skladu s aktuelnim izdavačkim planom Instituta za jezik Univerziteta u Sarajevu, oslanjajući se na usmjerenje naučnoistraživačkih i stručnih djelatnosti na:

- istraživanje savremenog jezika, s ciljem stvaranja pretpostavke za uspostavljanje, upotpunjenje i inoviranje jezičkog standarda;
- istraživanje historije jezika, s ciljem utvrđivanja i praćenja osobina književnojezičkog izraza kroz historiju, a posebno zbog opisivanja predstandardnih idioma i naročito zbog njegovanja tradicije i kontinuiteta narodnog i književnog jezika u cjelini;
- dijalektološka istraživanja, s različitim aspektima pristupa dijalektološkoj građi i obradi osobina narodnih govora, naročito zbog činjenice o prestižnom novoštokavskom i/ili novoštokaviziranom dijalekatskom području u odnosu na druge govorne zone;
- leksikološka istraživanja i leksikografsku praksu, koja će obuhvatati različite sfere jezičke struke i nauke, a shodno potrebama koje nalažu sadašnje stanje i nadolazeće perspektive;

rad na temeljnim istraživačkim i izdavačkim projektima Instituta za jezik u 2022. godini odnosi se na sljedeći

POPIS PROJEKATA ZA 2022. GODINU:

- *POLA STOLJEĆA INSTITUTA ZA JEZIK* (monografija)
- *BOSANSKE SREDNJOVJEKOVNE POVELJE:*
Paleografija i ortografija
- *OSNOVI HISTORIJE BOSANSKOGA KNJIŽEVNOG JEZIKA*
- *HISTORIJSKI RJEČNIK BOSANSKOG JEZIKA*
- *DOVOLJSKO EVANĐELJE* (monografija)

- *JEZIK FRANJEVAČKE KNJIŽEVNOSTI U BOSNI I HERCEGOVINI:*
Jezik fra Martina Mikulića
- *BOŠNJAČKI GOVORI IZVAN BOSNE I HERCEGOVINE:*
Govor Bošnjaka u Albaniji
- *PUBLICISTIČKI STIL STANDARDNOG JEZIKA:*
Značenje i distribucija vremenskih glagolskih oblika
- *SLAVENSKI GENITIV U BOSANSKOM JEZIKU*
- *ELIPSA KAO SINTAKSIČKO-SEMANTIČKA KATEGORIJA*
- *ONOMASTIČKA ISTRAŽIVANJA U BOSNI I HERCEGOVINI:*
Toponimija Breze
- *AKCENATSKI DUBLETI U BOSANSKOM JEZIKU*
- *BOSANSKI PRAVOPIS*
- *BOSANSKI JEZIK I ŠKOLSTVO 1823–2023: sociolingvistički uvidi*
- *TERMINOLOŠKA LEKSIKA U BOSANSKOM JEZIKU*
- *BOSANSKI ELEKTRONSKI KORPUS*
- *Jezičke odlike i kulturološki aspekti bosanske arebičke (bosnevijske) literature*
- *GRIGOROVIĆ-GILJFERDINGOVI ODLOMCI (studija i kritičko izdanje teksta)*
- *BOSANSKOHERCEGOVAČKI DIJALEKTOLOŠKI ZBORNIK*
- *DANI INSTITUTA ZA JEZIK 2022.*

Institut će raditi i na tome da najnovije rezultate naučnoistraživačkih aktivnosti promovira u široj javnosti, a s dodatnim ciljem jačanja svijesti o bitnosti jezika u različitim razvojnim društvenim procesima. U vezi s navedenim Institut će raditi na popularizaciji nauke o jeziku, naročito kroz javne događaje i obilježavanje važnih datuma, medijske nastupe, tribine, savjetovanja, i slično.

Osim samostalnog rada i djelovanja, vizija Instituta nalaže i blisku saradnju sa svim relevantnim srodnim ustanovama, organizacijama i institucijama, kao i pojedincima istraživačima, koji mogu skupa s Institutom dati izrazit doprinos u oblasti razvoja naučnoistraživačke djelatnosti kojom se Institut bavi, kao i u poljima primijenjenih istraživanja u razvoju jezičke struke, naročito u domeni osnovnog, srednjeg i visokog obrazovanja, ali i u domeni razvoja kulture na svim nivoima.

Sarajevo, januar 2021.

Direktor: dr. Jasmin Hodžić